

آبونه شرائطی : هر بر ایچون  
سنه لکی (۴۰۰) آلتی ایلمی  
(۲۲۵)؛ ممالک اجنیه ایچون  
سنه لکی (۴۵۰) ، آلتی آیلنی  
(۲۵۰) غروشدور .

نسخه سی ۷,۵ غروشدور .  
سنه لکی ۵۲ عددور .

اداره خانه : باب عالی جاده سنده  
رشید افندی خاندنه

اخطارات  
آبونه بدلی پشیندر .

مسلكه موافق آثار مع المنویه  
قبول اولنور . درج ایلمه یین  
یازیر اعاده اولماز .

والله یهدی من یشاء الی صراط مستقیم

باش محرر  
محمد طاکف

صاحب و مدیر  
اشرف ادیب

اتبعون اهدکم سبیل الرشاد

# الرشید

سنة ۱۳۳۰

آبونه تبدیلنده آیریمجه  
غروش کوندر لیلیدر .

مکتوبلرک امضاری واضح  
واوقوناقلی اولسی و آبونه  
صره نومروسی محتوی  
بولونمسی لازمدر

ممالک اجنیه ایچون آبونه  
اولانلرک آدرس لرینک  
فرانسجه یازلسی رجا اولنور .

پاره کوندر لکی زمان نه یه  
داثر اولدیغی بیلدیلسی  
رجا اولنور

جلد ۲۳

۱۰ نیسان ۱۳۴۰

\* پنجشنبه \*

۶ رمضان ۱۳۴۲

عدد ۵۹۶

## اسرار قرآنه

«مانسخ من آیه ...» الی آخر الآیه

### بیاننامه

«جناب حقت نوع بشره احسان بووردینی نعم جلیله احصا  
اولنهمیه حق درجه ده چوقدر . بو نعم جلیله نك وجیه شکرانی بحق  
ادایه امکان یوقسه ده جناب فاطر کاشانه قارشی وظائف عبودیتی افاغیه  
سارعتله خیر وسعادته نائل اولمق امکانی میذولدر .

دین مبین اسلامک احکام عالی سی اخروی ، دنیوی سعادتک اکتسابنه  
خادم اولدیغندن هر مسلمان بو احکام عالی یه توفیق حرکت وسعدتی  
تحقق ایتدیرمکه غیرتله مکفدر . علی الخصوص جناب خداوند کریمک  
غفران ایله مبشر بووردینی مبارک رمضانده وعد جلیل الهی یه احراز  
لیاقت ایچون هر مسلمان صوگدرجه چالیشمالی ، صلات وصیام فرائضی  
ادایه غیرت ایتلی ، بلامعذرت ترک صلاة ونقض صیامدن حذر ایلمه لیدر .  
بالخاصه هر مسلمان علناً نقض صیامدن صورت قطعیه ده توقی ایتمه لیدر .  
علناً نقض صیام جناب حقه معصیت ، آداب عمومیة اسلامیه یه  
مخالفت ، و حال صیامده بولونان مسلمانلره بویوک برحقارتدر . هیچ  
برمسلمان بویله برحاله جرأت دکل ، تنزل ایتمه لیدر . آداب اسلامیه  
فضائل اخلاقیه ایله توأم اولدیغندن مکارم اخلاقی اتمام ایچون بعث  
بووردولمش اولان برنی ذیشانک امتی محاسن اخلاقک تمثالی اولسنه  
کر کدر بناء علیه بالعموم مؤمنین ومؤمنات فرائض مبعوله دینییه وبالجمله  
وظائف اسلامیه یی حسن ادایه بذل مقدرت ، شعار اسلامیه مزه  
تمامیله رعایت ، فضائل ملیه مزی حقیله ابرازه غیرت ایدره رک اولی رحمت ،  
اورته یی مغفرت و آخری جهنمدن نجات اولان شهر غفرانک بتون  
فیوضانه نائل اولمائی اخص امل عد ایتمه لیدر لر . بالجمله مؤمنین ومؤمنانه  
شهر رمضان تبریک ایدر و کافه سنک عز و سعادتته نائل اولمائی درگاه  
کبریادن تضرع ایلم . استانبول ولایتی مفتیسی محمد فهمی

حکمت ومصلاحت ایجابی اولارق شارعک وضع ایتدیکی بر حکمی  
دیگر بر حکم ایله نسخ ایتمه سنک جائز اولدیغنی بیان ایتشدک . بوجواز  
مقتضای عقله منافی دکلدور . شارعک مصلاحت حقیقیه یی بیلیمیه رک بر حکمی  
تقریر ایتدکدن صنوکره اوننی نسخ ایتدیکنه دلالت ایتزه خار . چونکه  
برده نسخ بر طاقم اسباب وسوائق طولانیسیله بر ملتیه ویا بر طاغیه  
جناب حقت بر حکم تقدیر بیورمه سی وبواسباب وسوائق ده کیشهرک  
یرینه باشقه ساقطر قائم اولونجه جناب حقت او حکمی نسخ ایدره رک یرینه  
بر حکم تقریر ایتمه سیدر . برنجی حکمک سائق تقریری مصلاحت ایدی .  
واو حکمک سائق نسخیه ده یته مصلاحتدر . بونده موسویلرک ادعا  
ایتدیکی بداء ، یاخود جهل یوقدر . بوندن طولانیسیدرکه مسلمانلرک نسخک  
عقلاً جائز اولدیغنی خصوصنده اتفاق ایتشدردر . مع مافیة فخرالدین رازی  
بعض مسلمانلرک نسخی انکار ایتدکرنی بیان ایتمکده در . فقط جمهور  
علمای مسلمین نسخک عقلاً جائز اولدیغنه وشرائع سنه اویه نك کافه سنده ،  
حق قرآن کریمده فعلاً وقوع بولدیغنه قائلدر لر . آنجق (ابی مسلم)  
قرآن کریمده نسخک وقوع بولمادیغنی بیان ایتک خصوصنده تفرد  
ایتشدز . مومی الیه نسخک عقلاً جائز اولدیغنی بیان ایتمکه برابر احکام  
قرآنیه دن برینک نسخ ایدله دیکنی بیان ایتمکده در .

قرآن کریم آیاتنده نسخ وقوع بولدیغنی تصریح ایتش اولسه هیچ  
بر کیمسه بوکا مخالفت ایتزدی . فقط مسئله اجتهادی بر مسئله در .